



廟公是「007」

1

古早的時，臺灣不時有人咧講：「第一賣冰，第二做醫生！」意思是講：做醫生雖然收入袂糶、社會地位嘛懸，毋過若欲趁閣較濟錢，賣冰會當算第一！但是佇春平仔這馬的心內來講：「第一做廟公，第二做莊！」

佇臺灣，干焦政府會當合法做莊 - 手擲做公益的旗仔，賣彩券、頭跋筊，閣會當抽稅金。啊若是遐的烏社會咧做莊、跋筊，趁僥倖錢的，若拄著政府咧掃烏的時，就隨時予人掠去關；若是開廟做生理就無全矣，趁的錢可能無做莊、跋筊遐濟，毋過臺灣人上愛拜拜，行山拜山、遇海拜海，一四界攏嘛是大細間廟，香火閣不止仔旺！

上重要的是政府官員嘛真濟人愛拜拜，嘛毋敢對神明不敬，當時捌聽著講神明予人掠去關的？便若想到遮，春平仔就感覺家己當初的選擇有影是正確的，愈想是愈歡喜！

叮咚……叮咚……，辦公桌頂的對講機拄響兩聲，春平仔就繼手提起來講：「阿娟！啥物代誌？……喔……好！按呢你先佻伊約後禮拜三、早起 10 點，交代伊一定愛準時，彼工我中晝閣佻林議員約欲食飯，你嘛愛做伙去喔！上重要的，伊干焦會當一個人來，袂當有一寡生份人抑是記者在場，嘛袂當翕相，知無？」話筒一園落去，春平仔隨喙笑目笑，對這間廟的未來……毋著！應該是「這間公司」的未來，充滿了自信。

當當 (tng-tong) 春平仔咧思考愈來愈好的生理應該愛按怎經營的時，叮咚、叮咚、叮咚、叮咚……辦公桌頂的對講機這改叫甲真著急的款，春平仔全款寬寬仔共話筒提起來，氣口無蓋歡喜：「按怎？毋是共你交代過，緊事愛寬辦，你不時按呢兇兇狂狂，欲哪會有才調做大事業哩？」

「主委！毋是我欲攪擾你啦，是民政局的蔡局長講有重要的代誌欲親身共你講，叫我一定愛趕緊揣你啦！伊講敲你的手機仔鉸 (giang) 規晷久攏無接，毋才會敲對我遮來。」阿娟仔是春平仔上信任的助理，干焦伊會當隨時聯絡著春平仔，這條專線的對講機嘛只有個兩人知影。

「好！按呢你共局長講我中晝 12 點半佇頂改彼間咖啡廳等伊，你叫阿富仔駛車去辦公室的正手并的後尾門等我，順繼通知廖總幹事下晡替我共屏東來的進香團あいさつ (ai35 sat5 tsuh3) 一下，猶閣有……. 下晡有一个去附近的茄冬國小捐獎學金的儀式，你替我去，你就共陳校長佉家長會鄭會長講我臨時有重要的代誌愛處理，後回才去共個會失禮！」聽著蔡局長講有重要的代誌欲親身共伊講，春平仔規身軀的神經線隨絞紐 (ká-ân) 起來，以伊佉蔡局長的交情，代誌一定真大條才會趕欲揣伊。

欲出門進前，春平仔閣袂放心全款，共伊辦公室內底囤現金的保險箱，提幾若折大票、閣刁工巡看西裝褲跔的家私有妥當無？才三步做兩步行，揸 (iap) 對後尾門出去。毋知影春平仔作風的人，看這個範勢煞袂輸烏社會的老大欲出去佉人輸贏，無成廟公欲參人講代誌的款。

2

咧欲倚中晝時的日頭光，炤著 BMW745 的烏頭仔車金爍爍的車頂，予人目矚擘袂金。特別是佇這條彎彎幹幹的庄跔路，阿富仔閣駛甲遐緊，更加予人感覺著無全款的氣氛。阿富仔看個頭家規路攏恬弼弼 (tsiuh-tsiuh)，干焦上車的時交代伊愛佇 12 點半進前趕到位，繼落去就無講半句話矣，這種情形自伊綴佇嚴董的身軀邊，三不五時攏會看著。

春平仔的烏頭仔車拄駛入去這間山頂尾溜的咖啡廳的頭前門，做甲真藝術的白鐵仔大門隨沓沓仔自動拍開，看起來應該有監視鏡頭咧過濾出入的人客，而且春平仔嘛是遮的老主顧！

「嚴主委！歡迎、歡迎！你幾若工無來矣，我最近進一批印尼『麝香貓』的豆仔，等下予你佉蔡局長試看覓咧，保證予恁咻了會繼喙」咖啡廳的頭家娘叫做阿麗，是春平仔佇外口飼的查某，毋過佇外人面頭前，伊攏隱藏甲真好勢，除了伊的小妹—阿娟，也就是春平仔上信任的助理。

其實，春平仔的某已經過身十幾年矣，伊佉阿麗嘛做伙成十冬矣，幾若改想欲共阿麗娶入門，較袂予伊無名無份、受委屈，想袂到阿麗顛倒顧慮著春平仔兩個後生的想法，毋願正式嫁予伊。為著欲予阿麗有家己的事業、食老毋免煩惱無錢，春平仔出錢替伊開這間咖啡廳，毋但會當消磨時間嘛會當做寡生理。當初想講莫了錢就好，想袂到阿麗真正當做咧經營家己的事業，骨力做閣喙水好，除了拄開店彼年畜 (hak) 傷濟設備、了幾若十萬以外，繼落來逐年攏有趁錢，這嘛是春平仔料想袂著的代誌！

「局長，予你為著我的代誌按呢走一逝，誠歹勢！閣予你等，實在見笑代啦！」

一踏入去櫃檯後壁的包廂，春平仔那會失禮、那共蔡局長的肩胛頭搭咧，會當看出兩個人的私交足好！

「袂啦！三八兄弟，講啥物歹勢，恁朱雀宮替咱縣內帶來遐濟觀光客俗進香園，增加咱這個散赤縣的財政收入，是阮愛感謝你啦！」蔡局長身穿「○○縣政服務團隊、民政局長蔡培元」紺色的神仔，一圈匕一儿肚，強欲包袱牢，標準的地方政治人物的模樣。

「無啦！局長你毋甘嫌，咱朱雀宮的財神爺當然嘛欲保庇逐个善男信女攏會當趁大錢，人人攏趁有通食，自然政府祛有稅金，逐个日子就好過，彼是財神爺有靈有聖，咱朱雀宮只是傍神明的福氣，無啥物功勞啦！」春平仔早就慣勢俗遮的政治人物盤擱，客氣話無講煞，正經話是講袂出喙的。

「著啦！這嘛是阮楊縣長一向的主張，三百六十行，行行出狀元，各行各業攏有錢通趁，逐家毋才會當安居樂業，按呢社會毋才會安定！所以縣長嘛特別叫阮遮的一級首長愛定俗恁遮的地方信仰中心的頭人保持接觸，才會當隨時掌握著地方民眾的心聲！」蔡局長三句話袂離開選舉，看起來這改的代誌應該俗年底的選舉有關係。

「……. 所以，今仔日局長揣我揣甲遮緊急，是為著……」春平仔佇地方俗遮的政治人物接接 (tsih-tsiap) 遐久，早就練出承人話尾的工夫，佇對方意向無明顯的時陣，話是袂當烏白亂講的。

「喔！是按呢啦，這擺年底的縣長選舉，咱楊縣長雖然想欲連任，毋過黨內有一个西北大學的副校長欲出來俗伊競爭，伊是咱縣白老縣長的团婿，閣用美國企業管理博士的名號欲參加初選，嘛無愛接受阮這引的『協調』，實在傷腦筋呢！」蔡局長客氣話講規晷久，這馬講的才是重點，伊的面色嘛加足頂真！

「局長、嚴主委，莫干焦顧講話啦！這印尼『麝香貓』的咖啡趁燒咻啦，冷去就無好咻矣！」阿麗看春平仔無隨應話，知影伊心內有一寡顧慮，趕緊引開蔡局長的注意力。

「阿麗小姐，聽講這『麝香貓』的咖啡是『麝香貓』食咖啡豆仔袂消化閣放出來的，照理講是『麝香貓』的屎，毋過予你彼芳閣白的手煮過了後，煞變甲芳貢貢、貢貢芳，實在有影手藝誠讚呢！」蔡局長雖然略略仔知影春平仔是這間咖啡廳幕後的頭家，毋過伊毋知阿麗俗春平仔的關係，難免會共阿麗這種生做真婿、真有氣質，閣好喙水的頭家娘談一下！

「局長，老實共你承認啦，頂禮拜老縣長就有敲電話予我，今仔日閣特別佢我的助理約好，叫伊的囡婿、就是彼个西北大學的李聰明副校長，後禮拜三欲來揣我，你嘛知影，當年咱朱雀宮欲起廟的時，白老縣長出真濟力，這馬伊叫囡婿來禮貌上的見面，我實在袂當共拒絕，若無會予人講我過橋拆枋，傷過無情呢！毋過，恁免煩惱，我要求見面的時袂當有別人、嘛袂當有記者，按呢就袂失楊縣長的禮矣，你講著無？」春平仔今仔早起佢李聰明約好見面的時間，繼咧蔡局長就趕欲約伊談李聰明佇黨內初選欲佢現任的楊縣長競爭的代誌，消息是啥物人洩漏出去的？春平仔愈想愈懷疑。

「啊……………！春平兄，你誤會矣！楊縣長叫我來毋是懷疑你欲支持老縣長的囡婿啦！這幾年你對咱現任的楊縣長的支持，地方上逐个擺會知，阮無咧懷疑你啦！只是講阮這并透早就聽著風聲，講你後禮拜會公開佢彼个李教授見面、閣會做伊的後援會的主委，楊縣長想講這幾冬嘛共恁朱雀宮的聯外道路做甲遐四序，各地來的進春團佢觀光客，交通加真利便，你是重情重義的人，應該袂啦！我只是借這個機會、摸飛 (moo-hui) 來遮咻阿麗小姐親手煮的咖啡，你莫誤會啦！」蔡局長聽著春平仔主動表明態度，講話的感覺加真輕鬆！

「是啦！主委，人楊縣長佢蔡局長袂懷疑你啦，這幾冬朱雀宮對縣府辦的活動出錢出力，閣固定提供獎學金予縣內的學生囡仔，縣府感謝你都袂赴矣，哪會懷疑你，局長你講著無！」阿麗表面上咧替雙方講好話，實際上是咧替朱雀宮佢春平仔討人情，遮爾好的手腕，莫怪伊的咖啡廳的生理會愈來愈好！

「無錯！阿麗小姐講甲誠有道理，咱楊縣長是重情重義的人，春平兄佢朱雀宮這幾年對地方的貢獻，伊擺看在眼內、嘛囡仔心肝內，只是這擺黨內的對手遐爾強，伊當然愛較細膩哩，恁講著無！」蔡局長是外表粗線條、毋過想代誌真幼路的人，伊當然嘛聽有阿麗的話意，驚雙方的話愈講愈白，煞無轉捩的空間，趕緊共話尾放軟。

「局長，您放心！你轉去共楊縣長回報，倚佇人情義理的立場，我應該禮貌上共白老縣長的囡婿關心一下；毋過若是倚佇縣政延續的立場，我是一定佢 (thīn) 咱楊縣長到底的，毋管是錢抑是人，我擺全力支持，絕對無問題！來，遮是一寡我個人的心意，你提轉去予縣長做基金！」春平仔講煞就共拄才準備的幾若折現金交予蔡局長。伊知影政治上蓋現實，白老縣長當初雖然做了袂稔，毋過做一任就無閣連任，主要的原因就是佇黨中央無勢力，家己懨懨仔做，到欲連任的時就佇黨內初選輸予這馬的楊縣長。尤其是白老縣長卸任幾若冬矣，當年伊的拄仔跤早就四散飛矣，敢猶有才調槌 (kīng) 個囡婿出來選？

想著遮的，春平仔雖然感覺對老縣長袂得過，嘛是牙齒根咬咧，倚對楊縣長彼并的勢力。予春平仔上掛慮的是主管宮廟的民政局蔡局長定定提起個朱雀宮有一部分廟地是水利地，可能會卡著一寡法律上的問題……等等的，予春平仔不時感覺嚨喉有一支魚刺卡 (khah) 牢咧，這嘛是伊感覺無法度佻蔡局長真心跋感情的原因！

3

佇這個幾若十年攏無啥物改變的散赤縣，上大的改變就是欲倚這四冬來，縣政府起甲有夠大範又閣嬌，內底的裝潢設備攏是上高級的，佇內底辦公的公務人員逐個攏有一臺 LED 螢幕的電腦，而且每一個科室攏有歇暍、淋咖啡的所在，會使講是真享受！

縣政府對面的縣議會嘛無咧客氣，除了議事廳閣重新裝潢以外，閣佇議會大樓邊仔起一棟「民主會館」，聽講是欲予辛苦的議員有一個歇暍的所在，特別是遠途、偏遠所在的議員，嘛會使做宿舍抑是予伊的助理來蹓，橫直攏是替人民咧做代誌，加減愛共個的福利小照顧咧，毋才會「府會和諧」，預算才會當順利通過。

遠遠一臺公務車對縣府大樓頭前楚一輾，雄雄擋佇駐衛警面前，無管警衛咧向伊行禮，蔡局長袂輸咧走相逐全款，清彩頓一個頭就從對二樓的縣長室去矣，跂步雖然趕緊，光龐龐 (phiāng-phiāng) 的頭殼頂閣金滑、金滑，看起來規個人就是輕鬆、得意的模樣！

「長 -- 的！報告縣長！培元無辜負你的期待，任務完成矣！」蔡局長若親像學生仔完成老師交代的工課全款，暢甲掠袂牢。

聽著蔡局長大聲喝咻，楊縣長猶原頭殼犁犁咧批公文，扶一下老花目鏡，無擡頭共看，只是喙角微微仔笑，足成早就知影代誌的結果，完全無啥物特別的情緒。

「培元仔，小坐一暍仔，我這兩三件公文批了咱才來談！」楊縣長共蔡局長當做伊的心腹，才會按呢共叫。

佇咧縣長批公文的時，縣長室的助理拄欲問伊欲淋咖啡抑是茶？蔡局長真自動就共膨椅邊的全自動咖啡機揸一下，芳貢貢的咖啡就煮好勢矣！

「培元，你拄才是咧喝咻啥物好消息？」楊縣長的口氣無成咧問話，煞若咧質問對方全款，予蔡局長突然間變甲真嚴肅，拄才輕鬆的態度若親像著生驚的鳥仔 phiu 甲無 khuàinn 影。

「長 -- 的！你透早敢毋是叫我去探朱雀宮嚴主委的意向？看是欲繼續佢你抑是欲支持白的個困婿？」蔡局長想講遮重要的代誌，縣長哪會若袂記得矣？

「著啊！伊按怎講？」楊縣長規個人覓 (thenn) 佇膨椅內，若像佇厝裡咧看電視遐輕鬆。

看著楊縣長這種態度，蔡局長反倒轉感覺懷疑，甚至感覺規早起攞咧做白工矣！伊自認完成縣長交代的任務，就算無共伊呵咗、上無嘛愛講一聲「你辛苦矣」，想袂到縣長竟然是這種反應！

「培元仔，勞力喔！予你替我按呢走從，實在誠辛苦，感謝呢！」楊縣長有影上了解蔡局長的個性，若像伊腹肚內的蛔蟲 (bīn-thâng)，伊咧想啥、縣長隨知！

聽著縣長對伊說多謝，蔡局長隨共早起佻春平仔見面所講的頭來尾去攞講予縣長知影，繼手共春平仔提的「基金」嘛攄 (lu) 予伊。甚至連「麝香貓」放咖啡屎的笑談嘛提來餉，予縣長室的祕書小姐聽著嘛笑甲欲歪腰！

「長 -- 的！一切就是按呢，這敢毋是好消息？朱雀宮的香火遐旺、信眾遐濟，上重要的香火錢遐爾濟，嚴主委伊若肯出手來鬥相共，咱的手股頭加佻有力咧，著無？」予縣長褒一下，蔡局長隨閣臭屁甲掠袂牢，這佻伊平常時佇外口人心目中的形象是完全無仝的。

「春平仔我捌伊欲成十冬矣，伊尻川有幾枝毛、會變啥物猴弄，我嘛知知咧，我早就知影倚佇彼間廟的未來，伊是無可能反背我的！」縣長咧講遮的話的時，充滿一種予人看袂出喜、怒、哀、樂的面相，正確來講是政治場合盤擱誠久才練會出來的工夫。

「彼就奇 --- 啊 --- 怪 --- 啊 ---，長 -- 的你既然知影嚴主委袂反背你，哪會透早就叫我去探伊的意向，閣若親像驚伊會倚過對手彼并仝款，這我就想無矣！」蔡局長那拖長音閣那摸伊彼圈金滑的頭殼，愈掌是愈滑溜。

「你想，咱表現甲愈重視伊，伊敢毋是感覺家己佇咱心目中的重要性？繼咧，白的拄派人佻伊接觸，咱就隨去共春平仔安搭，敢毋是證明咱消息靈通？第三，個猶未見面，咱就共揆 (tuh) 予破空，雞胗就歎袂起來矣。你看，春平仔毋是親身共你保證絕對佢咱這并的？這就是我的目的！」楊縣長有影是老黨工出身的，掠人心理的銜銜角角，嘛遮爾厲害！

「所以，長 -- 的你是刁持的，專工欲破白老縣長的局？喔！實在是高手過招，我這種程度的實在想攏無呢！」蔡局長自我消遣的話語，予楊縣長嘛現出一種較無心機的笑容。

「是講，話講轉來！彼个嚴主委敢真正會飛天、會鑽地？為啥物咱縣內這幾屆的選舉，無論是縣長、立委抑是議員、代表，攏愛看伊的意向？」蔡局長嘛是想講是朱雀宮的香火錢抑是信眾真濟，毋過看楊縣長的態度閣無遐單純，到底是啥物理由，伊嘛想欲知影！

「這講起來就話頭長囉！你敢知影春平仔少年的時是這……呢！」楊縣長話講無煞，干焦用手比三個數字，若親像咧佻蔡局長耍臆謎猜。

「『0-0-7』？你是講嚴董的、我是講嚴主委少年的時做過『007』？」蔡局長咧講這句話的時雄雄有淡薄仔笑談的感覺，閣有一種咧看「蒙太奇」電影的衝突感，鏡頭的轉換敢若鬥袂峇，伊想起電影中 James Bond 的形象，強欲笑出來！

4

叮咚……叮咚……，辦公桌頂的對講機拄響兩聲，春平仔全款繼手就提起來。

「喂！是……好！你叫伊小坐一脷仔，我隨落去！」伊早就咧等候全款，共一張 20 萬的銀行本票摺入去シヤツ (siat5 tsuh3) 的橐袋仔內，跛步猛掠行對樓跛的會客室去。

聽著春平仔的跛步聲，坐佇會客室內底彼个量其約仔 40 桶歲、真有學者範的李聰明教授隨起身欲迎接伊，看袂出是做到大學副校長的人。

「嚴主委你好！我是李聰明，真歡喜有機會來共你拜訪！」果然是科學家出身的，講話直接閣袂拖沙，予春平仔感覺和伊定定接接的政治人物有真無全款的感受！

「副校長，莫遐客氣！我佻恁丈人熟似欲倚 20 年矣，論真講我愛叫伊一聲叔仔，我雖然大你的歲，嘛算是全沿的，叫我春平仔就好！」春平仔對這個教授的第一印象袂糲，無形中講話加真自然，無遐濟佻政治人物臆來臆去的心機！

「傍 (pāng) 阮丈人的面子，嚴主委你願意接見我，我已經真感恩矣，哪會當佻你無大無細呢！」李聰明猶原維持相當的禮貌，袂因春平仔對伊客氣就靠俗。

「聽老縣長講你這政有意思欲參與執政黨這屆縣長的黨內初選？敢是真的？」春平仔直接講著主題，伊想面頭前這個青年學者應該嘛佻意話講予坦白，免互相臆來臆去。

「阮丈人講嚴主委是做過大代誌的人，今仔日見面果然無錯！是啦！一方面是阮丈人的鼓勵，另外嘛是我個人感覺想欲替咱的鄉親做一寡代誌，用科學管理的精神，改變咱地方政治運作的風氣！」李聰明講愈濟，讀冊人的理想性就若龜趺全款，趕出來矣！

「真好！真好！我上欣賞像副校長這種有理想性的學者來參與政治，來！我今仔日先私底下贊助你 20 萬的經費，算是當年老縣長替阮朱雀宮起廟出力、鬥跤手，一寡感謝的意思！毋過這馬現任的楊縣長欲連任，我袂當做傷明顯，初選的時我一定愛倚佇伊彼并，請你佻老縣長愛諒解哦！」春平仔看破李聰明愛膨風的個性，隨無予伊閣講話的機會，銀行本票抹 (tu) 予伊，就揣理由欲離開矣。

原本，春平仔閣咧煩惱兩并欲按怎選擇，雖然頂政蔡局長來揣伊的時已經向伊保證過矣，毋過這幾年楊縣長的團隊，靠勢朱雀宮的土地卡著佔用水利地的關係，常在揣理由欲叫伊贊助各項活動的經費。像講：中秋節聯歡晚會請大牌的歌星，欲叫伊出錢；元宵節燈會臆謎猜，嘛欲叫個朱雀宮掛名贊助；連原本是贊助鄉內中、小學的獎學金，嘛擴大範圍到全縣，開銷實在有夠驚人。上可惡的是遮的攏變成楊縣長的政績，甚至有的活動縣府本底就有編列經費，全款閣共朱雀宮敲油，一場活動、兩本數簿，遮的一切，春平仔攏看在眼內！

毋過，拄才佻李聰明坐無半點鐘，伊隨看出這個副校長犯了所有「學者從政」的人全款的症頭：猶毋知對方的態度，就表示家己的想法；敵我不明的時，聽著對方的客氣話，就膨風甲毋知家己有幾斤重？春平仔心肝內其實是誠欣賞這款個性的人，毋過若是欲插政治，這種人死了上緊！李聰明的丈人，白老縣長就是上明顯的例。

想當年，白文武縣長競選的時，伊是用「公開、透明的縣政；打破派系的控制」，得著人民的支持來當選的。拄開始風評嘛袂穩，落尾就是堅持無愛予人關說人事，嘛毋願佻地方派系交換利益，結果欲連任的時，佇個黨內初選就輸予這馬的楊縣長矣。佇這種執政黨掌握多數地方柱仔跤的庄跤縣，民眾支持有啥路用？共 (kā) 黨內的高層扶扶挺挺，比佇咧地方認真拚勢閣較有效！這是春平仔遮濟冬來予政治染甲烏 (tò) 紅了後，上深的感受。

雖然伊是按呢想，毋過總是愛向伊的恩情人 - 白老縣長拍一下仔招呼才袂失禮！春平仔行入伊的辦公室內底，隨提手機仔起來抑號碼，手勢猛掠甲親像電話號碼就是伊家己的遐爾熟。

「……………喂！敢是叔仔？我阿平、春平仔啦！」佇無外人的場合，春平仔攏叫白老縣長叔仔，感覺若咧共長輩請安、問好，完全無成社會上咧俗人走跳的款。

「喔-----！嚴主委！誠久無見面矣，真無閒 hoonh！」佻春平仔的態度比起來，白老縣長的反應顛倒較生疏，應該閣有淡薄仔副洗的感覺。

「叔仔！你按呢講我就真歹勢矣啦，宮廟的代誌是有較無閒一寡，嘛袂講無閒甲無時間陪你食飯，咱這兩工揣時間做伙食飯好無？揣一个較清幽的所在，閣揣恁囝婿李副校長，我來安排！」春平仔聽出白老縣長話中的不滿，隨做出欲邀請個丈人、囝婿做伙食飯的決定，袂輸早就安排好的「局」哩！

「嚴主委欲請，我當然嘛歡喜！閣予你毋甘嫌，連阮囝婿都邀請，阮一定愛來予你請啦！」白文武往過佻春平仔關係當好的時，若有欲講重要的話、抑是欲推 (tshiâu) 代誌的時，才會揣清幽的所在食飯。今仔日聽著春平仔主動提起，嘛想欲知影伊到底對個囝婿欲出來選的代誌有啥物態度？隨就答應矣！

電話掛掉，春平仔隨閣快速揸一个號碼，那等電話、正手 5 枝指頭仔那佇辦公桌頂一直咧叩……叩……叩……叩……，指頭仔咧敲的聲音，連門外的助理阿娟都聽會著，規个辦公室浮現出一種無平常的氣氛！

「喂！是我，明仔中晝我欲請叔仔佻個囝婿佇你店內的包廂食飯，酒菜佻陪的人予你安排！」袂輸連珠炮的話語，毋是咧參詳，交代的對象一定是春平仔上信任的人。

電話講煞，春平仔隨閣共助理阿娟叫入去辦公室，兩個人講話的聲音愈來愈細，遠遠干焦聽著嗤舞嗤吡 (tshih-bú-tshih-tshū) 的聲音，毋知咧安排啥祕密的計畫？

5

隔轉工欲晝仔，春平仔安排司機阿富仔去白老縣長個兜載伊佻李聰明。白文武干焦生三个查某囝，大漢的嫁予李聰明；另外兩個去美國讀冊了後，一个嫁予 Los Angeles 的臺僑第二代；另外一个堅持不婚主義，佇 San Jose 的研究所做材料科學家。李聰明兄弟仔真濟，咧欲佻白老縣長的大漢查某囝結婚進前，就答應女方的要求：無論生查埔抑是查某、一个抑是兩個，攏一定有一个綴老母的姓。所以，李聰明若親像白文武的後生仝款，娶某就躡入去白家，雖然無 hōng 招的名，但是有 hōng 招的事實。實際上，個丈人、囝婿的關係閣不止仔親，白文武欣賞李聰明雖然是散凶人出身、毋過認真拍拚的個性；李聰明嘛因為白老縣長當初的關係，拄提著博士學位轉來臺灣，就引著國立西北

大學的教職，會使講是「人生的勝利組」！

佇上車進前，白老縣長交代李聰明小等咧莫講傷濟話、嘛莫清彩發表個人主觀的意見。上重要的，食飯的時人若敬酒，喙脣啖 (tam) 一下就好，千萬毋通過量！遮濟年來，佇丈人的面前，李聰明一向攏是真聽話，嘛誠順伊的意，所以白老縣長是袂啥煩惱！若講著酒，這個囡婿平常時罕得啉酒，今仔日是春平仔提議欲啉兩杯，伊驚囡婿酒量無好，才特別交代！

因為欲載白老縣長個兩人，阿富仔今仔日駛車特別謹慎，尤其駛入這條揸貼的產業道路以後，驚老歲仔甞 (sim) 甲眩 (hîn) 車，駛甲愈細膩。佳哉！春平仔有交代，一逝路十外公里駛落來，兩個人客完全無眩車的感覺，這嘛是春平仔做代誌幼路的銜角。

這工烏陰、烏陰，日頭無蓋光，阿富駛的彼臺 BMW 745 全款光焱焱，車頭拄翰入去阿麗的咖啡廳頭前的巷仔口，店前的白鐵仔大門隨沓沓仔拍開。車猶未停好勢，春平仔恰阿麗已經倚佇車門邊，咧迎接兩位人客。看著春平仔對待個丈人的態度，恰昨昏佇辦公室見伊的感覺，真正無全款！

「叔仔！李教授！罕行、罕行，歡迎恁來遮，山路無蓋好行，阮兜阿富仔駛車較生狂，恁敢有眩車？若害恁眩車，我共伊扣薪水」春平仔這工穿一領敢若去東南亞 迺咧穿的花巴哩貓的シヤツ (siat5 tsuh3)，若像咧度假的感覺。

看著春平仔的穿插 (tshīng-tshah)，李聰明頭向 (àn) 低低看家己穿甲袂翰咧娶新娘，感覺家己可能傷過正式矣！伊閣想起個丈人欲來進前所交代的話，無定是個想傷濟矣，嚴主委就是單純欲揣個食飯、啉酒，哪有需要遐嚴肅咧？

「叔仔！教授！我來共恁介紹，這位是這間店的主人阿麗小姐，中晝所有的好料攏是伊攢的，若食袂合味攏愛怪伊！」春平仔輕鬆的態度，予李聰明原本絞真經 (ân) 的神經線規个冗 (līng) 去。

簡單拍過招呼了後，阿麗行佇頭前 (tshuā) 路，一陣人嘻嘻嘩嘩 (hi-hi-huā-huā) 行到咖啡廳後壁的小花園，愛閣翰對一抱竹林後壁去，才看會著彼間祕密的包廂。

春平仔親身共門扇揸 (giú) 開，招呼白文武恰李聰明入去。一踏入包廂內底，圓桌仔已經攢甲規桌腥臊的好料，有魚有肉有菜恰，有龍蝦嘛有干貝，嘛有金瓜米粉恰鱸魚蒜。看著遐的菜色，攏是個丈人恰伊家己愛食的菜，李聰明雄雄對面頭前這個「廟公」，產生一種莫測高深的感覺！

眾人拄敬過一輪紅酒，坐無幾分鐘，尻川猶未坐燒，阿麗就兩個面模仔真嬌、閣足有氣質的查某行入包廂。看著兩個嬌姑娘，李聰明目睷雄雄展甲若牛目。

「……奇怪！這馬是共阮當做來咧揣粉味的 hiooh？……」李聰明佇大學教冊、兼行政嘛十外冬矣，咁粉味的所在毋是毋捌，但是佢丈人做伙咁是頭一擺，伊心內愈想愈礙虐 (gāi-gioh)。

「副校長，免緊張啦！這兩位小姐攏是阿麗的查某因仔伴，個毋是佇外口咧趁食的查某因仔，今仔日是阿麗特別共個拜託才來陪恁開講的喔！等咧愛較 gentleman 喔！」看著李聰明無蓋自然的表情，春平仔微微仔笑，紅酒杯仔提懸向伊敬酒。

「嚴主委，毋是啦！我是想講本底單純約欲食飯，哪會有遐爾嬌閣有氣質的姑娘陪咱開講、咁酒，”毋捌”有這種特別的經驗啦！」李聰明特別強調”毋捌”這兩字，順繼咧看個丈人的反應。

「阿聰！嚴主委毋是生份人，今仔日感謝伊攢甲遮豐沛，閣揣兩個遮有氣質的女士來和咱做伙食飯，咱同齊敬嚴主委一杯！」白文武捌佇政界盤擱過，自然知影應酬的場面百百款，主人家欲按怎安排，人客是足歹按算，只有行一步算一步！是講，今仔日春平仔佢伊的囡婿是第二改見面，頭擺做伙咁酒就安排這種高級粉味的，伊家己心內嘛有一點仔懷疑！

就佇咧你敬我一杯，我敬你兩杯的氣氛之下，李聰明漸漸感覺規個人攏輕鬆起來！西裝褪 (thng) 掉猶嫌無夠、領帶嘛嫌傷緬矣、繼咧手腕嘛擎起來矣！講話愈來愈大聲，咁開始對這馬的政治發表意見，在場包括阿麗在內三個女士攏聽甲耳仔覆覆、一直頓頭，伊愈講愈過癮，講甲喙角全波 (pho)。嘛共個丈人欲出門進前吩咐的代誌攏袂記得了矣！

「來！嚴主委我敬你，我乾杯、你隨意！」春平仔酒杯仔猶未提懸，李聰明已經共一杯斟甲滇滇滇的紅酒咁掉。

「多桑！我敬你，感謝你的牽成，這擺嚴主委願意提錢贊助我出來初選，攏愛感謝你！」咁酒了後的李副校長看起來愈來愈天真，料想春平仔捐錢予伊就是真心咧支持伊。

「三位世界有氣質的美女，來！我李聰明敬恁！」李聰明真自然就共坐佇伊邊仔的阿麗佢個朋友淑美的腰慢 (mua) 過來，甚至手嘛開始佇個的身軀頂掌來掌去，完全無咧注意別人的反應。

「我食遮濟歲，猶毋捌一睂頭同齊佢遐濟个婿姑娘，坐做伙食飯、啣酒呢！」酒啣愈濟愈會當看出李教授無仝款的形象。

目睷金金看家己的囡婿啣酒了後，一寡平常時伊这个丈人爸看袂著的行為，這改攏看現現矣！毋過看著李聰明手搭佇咖啡廳頭家娘阿麗的腰咧烏白掌，春平仔猶原微微仔笑咧佢伊開講，無啥物各樣 (koh-iūnn)！閣再看著包廂內底幾若个隱藏式的錄影鏡頭，白文武對一切就攏了解矣！原本伊閣佇心內咧臆：到底春平仔招伊佢囡婿食飯、啣酒的目的是啥？這馬差不多攏臆會著矣！

「阿聰！來，換多桑敬你，我共查某囡嫁予你，真正無毋著，這成 (tsiānn) 十年來你認真拍拚，對某囡真有責任感，對我佢恁丈母嘛親像家己的序大咧有孝，實在足感心！我看年底縣長的黨內初選咱暫時莫出來，予楊縣長好好仔連任，等後擺才閣共嚴主委拜託！伊今仔日安排這個所在真單純，咱放予輕鬆、啣予爽快，就算酒醉矣，伊嘛會安排咱平安轉去的，你講著無？」佇咧臆出今仔日春平仔請客的動機了後，白老縣長規个人輕鬆起來，尤其最後問春平仔的彼句“你講著無？”嘛是咧共伊暗示：個這改無欲佢楊縣長佇黨內初選競爭矣，千萬毋通共包廂內底的錄影檔洩露出去，愛留予李聰明四冬後東山再起的機會！

「是啦！叔仔、李教授，選舉上重要的愛看風向、綴時勢，尤其李教授是『青年才俊』，閣有叔仔的人脈支持，免驚無機會啦！來，咱莫閣講選舉的代誌，逐家杯仔提予懸，同齊祝阮叔仔身體勇健、親像一尾龍；祝李教授步步高昇、四冬後選縣長，恁講好無！」聽著白老縣長親喙講出退讓的話，春平仔面頂的線條隨變甲真軟略 (nńg-lioh)！

就按呢，李聰明是彼工上緊啣酒醉的人，嘛是唯一的一个！論真講，包廂內底其他的人一个比一个較清醒！

6

這工，原本是中晝的餐會，煞食甲咧欲翻點才結束，照理講以白老縣長的年歲來講，欲倚 70 矣、閣對中晝啣到半暝，應該嘛醉茫茫才著，無定是看著家己的囡婿酒醉失禮數，顛倒清醒起來。

坐佇春平仔彼臺四序的烏頭車內底，春平仔安排予酒醉的李聰明坐佇頭前司機的邊仔、會使共椅仔放予趨趨、較好麗 (thenn)；伊家己佢白文武坐佇後座咧開講。

山頂尾溜的庄跤小路，暗時的感覺特別安靜，毋但這臺高級車的引擎聲聽甲明明，連個兩人講話的聲音嘛一清二楚！

「叔仔！歹勢呢，害恁咁甲遐暗才轉去，恐驚阿嬪佻教授夫人會煩惱，等咧我親身向個會失禮！」春平仔做人一向禮數真周全，袂看白文武是退休的政治人物就看伊無。

「袂啦！我嘛誠久無佻你做伙咁酒矣，今仔日真歡喜，顛倒是阮囡婿較無體無統，咁酒醉就講大聲話、對三位女士閣無禮貌，特別是對咖啡廳的頭家娘上失禮，你後回才替我共伊講一聲歹勢呢！」白老縣長雖然毋知春平仔佻阿麗的關係，但是看個兩人的互動嘛臆會出幾分。

「無要緊！看李教授咁酒的款就知影伊是「性情中人」，我相信三位女士攏袂囡仔心內啦！叔仔你傷客氣矣！」春平仔應話全款遐爾細膩。

「是講，你哪會知影阮囡婿咁酒會按呢？我佻伊蹓做伙欲規十冬，都真罕得看伊咁酒，想袂到和你見面一擺就予你看破跤手？」除了春平仔的親信兼司機阿富仔以外，趁無別人佇咧的時陣，白老縣長囡仔心內規暝的疑問總算講出喙矣！

「叔仔，你敢袂記得矣？我少年的時陣是咧創啥的？」春平仔彼工嘛咁袂少，所以面仔紅紅、笑容嘛無遐濟包裝，加一寡普通人的氣口！

「你是講這……」白文武比出「0」、「0」、「7」這三个數字，頭殼內不免嘛浮出電影內底 James Bond 擗銃 piáng-piáng-piáng 的模樣。

「叔仔，恁莫予電影騙去矣啦！阮是咧收集敵人的 News 來分析，了解對方可能的動作佻意向，通好予家己做判斷，才會當『知己知彼、百戰百勝』，阮若規工擗銃咧輸贏，我早就骨頭損鼓矣，敢有通活到這馬？」春平仔看出白老縣長目矙內的疑問，規氣一擺講予清楚！

「講實在話！咱縣內大細跤叫會出名號的人，我若捌交陪過的、做伙食過飯的、咁過酒的、甚至開過查某的，若準有機會，我攏會共遮的人的資料建立檔案。若欲做朋友，我就攏個俗意的予享受；若欲做敵人，我手內嘛有王牌。所以，遮濟冬來，我朋友愈交愈濟，嘛是這個道理！」就是看著白文武今仔日主動叫囡婿退出初選，春平仔才願意講出伊一个小小朱雀宮的廟公，會當佇個縣內「喝(huah)水會堅凍」的祕密。

白文武無閣應話，車內的氣氛雄雄冷甲親像欲結冰的冷凍庫！

「毋過，叔仔！你免煩惱，這擺已經是楊縣長的第二任，李教授有遐好的學歷、口才閣遐讚，只要莫遐爾 (gâu) 眩船，這幾年好好仔佇地方經營，未來絕對是前途光明！若有需要我的所在，你交代一聲，我隨時就來！」春平仔那講那閣比一改「0」、「0」、「7」的手勢。

這擺，春平仔所比的手勢，連駛車的阿富仔對車內的 back mirror 鏡看著的時，忍袂牢嘛笑出聲，這個笑聲佇恬靜的山路，聽起來特別清楚閣響亮！



作者感言

黃文俊 臺中市何厝國小教師

感謝教育部舉辦這個有意義的文學獎，經過這幾冬的推揀，有愈來愈濟人投入本土語言文學的寫作，向望這個文學獎會當每年攏舉辦，通好鼓勵閣較濟的作家做伙來拍拚！